



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 76. Oratio Juliani Cardinalis fideles ad rumpendas inducias adhortantis

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

foedus sese exponerent, eoquod fidem suam prius obstrinxissent Eugenio Pontifici, Joanni Palæologo Imperatori, Græcis omnibus, simulque Latinis, qui omnes petita, atque promissa ab eis auxilia jam præsto habebant. Insuper animo suo volutabant, quod absque summæ perfidiæ nota ceteros Principes in discrimine, in quod eos pellexerant, luctantes relinquere haud possent. Præter hæc apparebat opportuna quædam rumpendæ concordiæ caussa, cum & ipsi Turcæ quorundam pactorum fidem haud servassent, eoquod nec captivos ad constitutam diem liberos dimisissent, nec urbes ab eis occupatas reddidissent.

Sæcul. XV.
A. C. 1444.

Phranz,
l. I. c. 18.

§. LXXVI.

Oratio Juliani Cardinalis fideles ad rumpendas inducias inducturi.

Itaque Julianus Cardinalis Legatus, cum Principes suspensos hæerere cerneret, an inducias servare, an bellum restaurare satius esset, opportunam inde capiebat occasionem, ut magno animi ardore, ac eloquentiæ vi exercitus Christiani Ducibus, quid egerint, ante oculos poneret, „videtis modo, inquiebat, in quantum „malorum cumulum vos præceps consilium conjecerit, dum pacem cum infida „Turcarum Natione pepigistis, & violata

Bonfin. *ibid.*
l. 6. dec. 3.
p. 483. *edis.*
Basil. fol.
1568.

Sæcul. XV.

A. C. 1414.

„fide foedus cum Papa, aliisque Princi-
 „pibus jurato antea initum rescidistis,
 „idque exiguæ admodum utilitatis gra-
 „tia, ut Mysiam diu misere depopulatam
 „recuperaretis, quæ rursus ad breve
 „tempus intercipi potest. Quare cum al-
 „terum hoc foedus cum Turcis recens
 „pactum honori ac existimationi vestræ
 „non modicam inurat labem, majusque
 „bono Ecclesiæ damnum inferat, absque
 „hæsitacione alterum hoc foedus rescin-
 „dite, ne infringatis primum illud, quod
 „cum Eugenio Pontifice maximo, Joan-
 „ne Palæologo, cum Græcis & Italis in-
 „iistis. Quid enim, prosequeretur Car-
 „dinalis, respondebitis Imperatori Con-
 „stantinopolitano, qui juxta promissi fi-
 „dem jam dudum excubat in castris, &
 „vestrum in tanta opportunitate expe-
 „ctat exercitum? quid Eugenio Papæ,
 „quid Venetis & Genuensibus, qui clas-
 „sem jamjam instructam habebant? quid
 „Burgundionibus, qui ardore fidei exci-
 „tati ex Oceano diu solverunt, & tot pe-
 „ricula maris emensi, jam in Hellesponto
 „infidelium vires frangere parati naviga-
 „bant, responsuri estis? Adfui quidem
 „& ego, addebat idem, dum execrabile
 „id foedus cum Christiani nominis hosti-
 „bus ictum fuerat: verum quantum in-
 „me fuit, ne id fieret, intercessi, illud im-
 „probavi, & instantissime damnavi; sed
 „quod

„quod aliquantulum a meo fervore re-
 „miserim, Huniadis sapientia & auctori-
 „tate, ac Georgii Despotæ commiseratione victus; ac ne commodorum populi Hungarici, & vicinarum gentium oppugnator audirem, tristis & invitus cesseram, haud inscius, hinc salutem Christianæ Reipublicæ labefactari, spemque gloriæ, & immortalitatis extinguere. Quare vos adhortor, ut antequam perfidie vestræ rumor longius sese effundat, vosmetipsos ab hac infamia vindicetis.

Sæcul. XV.
 A. C. 1444.

§. LXXVII.

Legatus pacta servari cupientium timores dissipat.

Cum vero violati foederis, & quidem Sacramenti Religione firmati probrum non pauci Christiani sibi objectari timerent, & conscientiae stimulis agitati fluctuarent, Legatus illis animum addidit, dicens: „Fas est quandoque publicæ salutis gratia, neque stare pactis, „bono communi contrariis, neque perfidis fidem servare. Equidem jusjurandum justitiæ, ac veritati innixum, „omnium judicio religiose servandum: „quod autem non modo in privatum, sed „& publicum cedit exitium, illud irritum ac vanum esse debet. Displicet

Gobelin.
 Pers. comm.